



Buletin Kelab

Gambar aktiviti kelab
boleh dilihat di laman web
kelab [WWW.iium.edu.my/
kkk](http://WWW.iium.edu.my/kkk)

Berita Semasa Kelab

Kandungan Buletin

4 CARA MUDAH KENAL PASTI ORANG YANG BAIK	2
Kelebihan Umat Muhammad	3
Peringatan	3
Saidina Abu Bakar Masuk Islam	4
Adab Dalam Islam	5
Bersama Setiausaha Agung	6

MUTIARA KATA

Jangan mengukur kebijaksanaan seseorang hanya kerana kepandaiannya berkata-kata tetapi juga perlu dinilai buah fikiran serta tingkah lakunya.

Sesungguhnya apa yang kita lihat serupa sebenarnya tidak semestinya sama

Akhlak yang buruk itu ibarat tembikar yang pecah. Tidak dapat dilekatkan lagi dan tidak dapat dikembalikan menjadi tanah -



04-Januari-2014 (Sabtu) Pihak Kelab Kebajikan Kakitangan mengucapkan **TAHNIAH** kepada **Saudara Saifullah Hassan(ELD)** di atas kelahiran cahayamata Lelaki pada 04/1/2014. Semoga dengan kehadiran cahaya mata ini akan menyemarakkan lagi kebahagiaan kalian serta sentiasa dimurahkan rezeki oleh Allah S.W.T, insyaAllah



12-Januari-2014 - Bapa kepada Bro. Mohd Salmee Mohd Sari telah pulang kerahmatullah. Pihak Kelab mengucapkan takziah kepada beliau. Semoga beliau tabah menghadapinya. Al-Fatihah. Semoga Allah mencucuri rahmat keatas roh ayah beliau

14-Februari-2014 Pusat Asasi UIAM telah mengadakan program gotong royong seluruh kampus Pusat Asas UIAM. Program ini disertai oleh warga yang berada di Pusat ini. Ianya dibahagikan kepada semua Jabatan dan Mahallah. Acara yang diadakan mengutip sampah dan membersihkan pejabat masing masing.

01-Mac-2014 (Sabtu) Pihak Kelab Kebajikan Kakitangan mengucapkan **TAHNIAH** kepada **Saudara Riduwan Muhammad Nor (Mahallah Abu Bakar)** diatas kelahiran cahayamata lelaki pada 1/3/2014. Semoga dengan kehadiran cahaya mata ini akan menyemarakkan lagi kebahagiaan kalian serta sentiasa dimurahkan rezeki oleh Allah S.W.T, insyaAllah.



01-Mac-2014 (Sabtu) - Ibu kepada Bro. Mohd. Nazri Mohamed Daud telah pulang kerahmatullah. Pihak Kelab mengucapkan takziah kepada Bro Mohd Nazri. Semoga beliau tabah menghadapinya. Al-Fatihah. Semoga Allah mencucuri rahmat keatas roh ibu beliau.

01-Mac-2014 (Sabtu) - Majlis Perkhawinan Cik. Nurshiela Wahab dan Cik Nurul Huda Wahab. Meraka adalah anak-anak kepada En Wahab Rostam, seorang kakitangan di Jabatan Bahasa Inggeris. Majlis tersebut telah berlangsung di Dewan AL Malik Faisal, Pusat Asasi UIAM Petaling Jaya. Kelab mengucapkan Selamat Pengantin Baru dan semoga meraka berbahagia dan berkekal hingga keakhir hayat.

04-MAC-2014 (Selasa) Pihak Kelab Kebajikan Kakitangan mengucapkan **TAHNIAH** kepada **Saudari Noorhafizah Mohd Akil (ITD)** di atas kelahiran cahayamata perempuan pada 4/3/2014. Semoga dengan kehadiran cahaya mata ini akan menyemarakkan lagi kebahagiaan kalian serta sentiasa dimurahkan rezeki oleh Allah S.W.T, insyaAllah



05-MAC-2014 (Rabu) Information Technology Division (ITD) Telah mengadakan Roadshow di Pusanya Asasi UIAM Petaling Jaya. Ianya bertujuan mengenalkan ITD, perancangan dan pimpinannya kepada warga Pusat Asasi UIAM. Disamping mengadakan Klinik Gmail untuk email baru UIAM.

09-MAC-2014 Pihak Kelab Kebajikan Kakitangan mengucapkan **TAHNIAH** kepada **Saudari Zazura Zainal Abidin (RMDD)** diatas kelahiran cahayamata lelaki pada 9/3/2014. Semoga dengan kehadiran cahaya mata ini akan menyemarakkan lagi kebahagiaan kalian serta sentiasa dimurahkan rezeki oleh Allah S.W.T, insyaAllah.



16-MAC-2014 (Ahad) Adalah dimaklumkan bahawa ibu kepada **En. Mohamed Amin Ismail(ITD)** telah kembali ke rahmatullah pada hari Ahad (16/3/2014) di hospital Klang. Sama-sama kita sedekahkan AlFatihah dan semoga Allah mencucuri rahmat ke atas rohnya dan ditempatkan bersama-sama orang yang beriman...

Renungan

4 CARA MUDAH KENAL PASTI ORANG YANG BAIK

Adakah anda tahu **macammana nak kenalpasti orang yang baik**? Dalam ramai-ramai kawan anda, bolehkah anda beritahu siapa yang baik? Bagaimana anda menilai seorang itu baik atau tidak? Apakah yang anda perhatikan?

Ada seorang kawan pernah berbual dengan saya mengenai topik ini. Katanya, untuk mengetahui seseorang itu baik atau tidak, mudah saja. Begini caranya ;

1. Lihat perangai atau sikap IBU nya

Kalau ibunya seorang yang baik, penyantun, lemah lembut dalam berkata-kata, tidak pemaarah, pemurah dan 'manis muka', insyaAllah memang anaknya itu akan terdidik dengan sikap yang begitu juga.

2. Lihat siapa kawan baik nya

Cuba perhatikan atau selidik siapakah kawan baiknya. Lihat perangai atau sikap kawan baiknya. Cuba perhatikan apakah aktiviti kawan baiknya itu. Biasanya seseorang itu akan terpengaruh atau terikut-ikut dengan sikap kawan baiknya. Kalau kawannya itu minat bola, dia juga biasanya akan minat bola. Kalau kawan baiknya minat pergi clubbing, dia juga pasti minat untuk bersosial.

3. Tanya kepada isterinya

Untuk kenalpasti seorang lelaki yang dah berkahwin, samada dia seorang yang benar-benar baik atau tidak, sila tanya kepada isterinya. Cuba tanya isterinya, adakah suami awak seorang yang baik? Sekiranya dia terus bercerita panjang lebar tentang kebaikan suaminya (dengan penuh semangat), pastinya lelaki itu adalah seorang yang benar-benar baik. Kalau dia macam teragak-agak jer nak jawab, hmmm anda boleh nilai sendiri tahap kebaikan lakinya.

4. Lihat bagaimana dia melayan budak kecil

Kalau nak tahu seorang perempuan itu baik atau tidak, lihat bagaimana dia melayan budak kecil. Petua ni dari kawan saya. Dia kata inilah cara dia menilai 'calon' yang sesuai untuk dijadikan isteri'nya.

Jika anda lihat seorang wanita itu sangat suka, mesra dan pandai melayan budak-budak, biasanya perempuan itu memang seorang yang berhati lembut, pengasih, taat dan setia.

Adakah cara ini memang boleh dipercayai?

Usah tanya saya. Bertenang. Lihat orang-orang disekeling anda. Cuba perhatikan betul-betul. Adakah cara ini relevan dan boleh dipercayai? Anda sendiri lah yang patut menilainya.

Biarpun kita menjadi tuan tetapi kita tetap berTUHAN

Biarpun kita pandai mereka cipta tetapi kita tetap ciptaan-Nya

Biarpun kita menjadi ketua tetapi kita tetap menjadi hamba-Nya

**Biarpun kita megah mendonggak langit tetapi kita tetap diminta
sujud pada-Nya..**

**Biarpun kita mewah dan kaya raya tetapi semua yang kita ada,
adalah rezeki dari-Nya.**

Jadi.. mengapa harus sombang dengan Allah tuhan kita?

PERINGATAN

**KELEBIHAN UMAT MUHAMMAD
MENURUT NABI ADAM**

DIKISAHKAN bahawa Nabi Adam as telah menjelaskan: “Sesungguhnya Allah SWT telah memberikan kepada umat Muhammad SAW empat kemuliaan yang tidak diberikan kepada aku:

1. Taubat aku hanya diterima di kota Mekah, sedangkan taubat umat Muhammad SAW di terima di mana sahaja tanpa mengira tempat oleh Allah SWT.
2. Pada mulanya aku berpakaian tetapi, apabila aku berbuat derhaka, maka Allah SWT menjadikan aku telanjang. Manakala apabila umat Muhammad SAW membuat derhaka dengan bertelanjang, Allah SWT memberi mereka pakaian.
3. Ketika aku telah melakukan derhaka kepada Allah, maka Allah SWT telah memisahkan aku dengan isteriku, Hawa. Manakala bila umat Muhammad SAW berbuat derhaka Allah SWT tidak memisahkan isteri mereka.
4. Memang benar aku telah derhaka kepada Allah SWT di syurga dan aku dikeluarkan dari syurga. Tetapi umat Muhammad SAW derhaka kepada Allah akan dimasukkan ke dalam syurga apabila mereka bertaubat kepada Allah SWT.

Fikir dan renungkanlah makna tersirat daripada penjelasan Nabi Adam as itu.

Sebaik-baik lelaki adalah yang paling baik dan lemah lembut terhadap isterinya

PETUA

SAKIT KEPALA

Daun turi juga berkhasiat untuk mengurangkan masalah sakit kepala. Caranya ialah dengan menyapukan daun yang sudah ditumbuk ke kepala. Ia menyejukkan kepala dan menghilangkan sakit kepala..

Perut masuk angin

Setiap kali anda minum teh atau kopi masukkan daun delima yang sudah dipotong kecil-kecil. Amalkan selama 1 bulan.

Bernanah jari disebabkan jarum,duri, dan tulang ikan

Ambil 3 sulur bawang merah lalu ditumbuk jangan sampai lumat. Kemudian bubuh 1 sudu besar minyak kelapa dan dibungkus dengan menggunakan daun pisang dan dipanaskan ke atas api. Apabila sudah agak panas, tampalkan ramuan tersebut pada tempat yang sakit dan dibalut dengan kain pembalut luka. Buatlah sebanyak 3 kali sehari

Resdung

Ambil isi terung kemal dan amalkan memakannya atau ambil daun kacang kayu kemudian jemur sehingga kering dan dibuat hisap seperti rokok. Boleh juga amalkan mencium bunga daun bawang merah sentiasa.



KISAH BAGAIMANA SAIDINA ABU BAKAR MASUK ISLAM

DIRIWAYATKAN bahawa sudah menjadi kebiasaan bagi Abu Bakar mengunjungi seorang tua apabila beliau berada di Yaman ketika menguruskan perniagaannya. Orang tua itu adalah seorang pendita yang sangat rajin membaca kitab dan mempunyai ramai murid.

Pada suatu hari, ketika Abu Bakar berkunjung ke tempat orang tua itu, tiba-tiba orang tua itu bertanya: "Adakah tuan orang Arab?"

Jawab Abu Bakar: "Ya.... benar."

"Saya ingat tuan berbangsa Quraish?"

"Benar."

Abu Bakar berasa hairan kerana orang tua itu mengetahui latar belakangnya. Dia menjadi bertambah hairan apabila orang tua itu bertanya: "Bolehkah saya melihat perut tuan?"

Jawab Abu Bakar: "Saya tidak akan menunjukkan perut saya jika tuan tidak memberitahu akan perkara yang sebenarnya."

Lalu berceritalah orang tua itu kepada Abu Bakar bahawa mengikut apa yang diketahuinya, seorang Nabi akan diutuskan di Tanah Arab. Nabi itu akan dibantu oleh dua orang sahabat. Seorang masih muda dan seorang lagi sudah separuh umur. Sahabat yang muda itu berani berjuang dalam segenap lapangan dan menjadi pelindung Nabi daripada sebarang marabahaya. Manakala sahabat yang seorang lagi itu berkulit putih dan berbadan kurus. Di perutnya ada tahi lalat dan di paha kirinya ada satu tanda.

Setelah Abu Bakar mendengar cerita orang tua itu, dia pun terus menunjukkan bahagian perut dan pahanya. Memang Abu Bakar mempunyai tahi lalat di perut dan tanda di paha kirinya. Sebaik sahaja melihatkan tanda-tanda itu, orang tua itu pun berkata: "Demi Tuhan, tuanlah orangnya yang akan menjadi sahabat kepada Nabi itu."

Setelah Abu Bakar selesai menguruskan urusan perniagaannya di Yaman, dia pun bersiap-siap untuk berangkat pulang ke Mekah. Sebelum pulang, Abu Bakar berkunjung sekali lagi ke tempat orang tua itu untuk mengucapkan selamat tinggal.

"Boleh tuan sampaikan beberapa rangkap syairku kepada orang-orang Mekah?" katanya.

"Boleh," jawab Abu Bakar.

Kemudian Abu Bakar pun berangkat pulang ke Mekah dengan membawa rangkap-rangkap syair orang tua itu. Sesampai sahaja Abu Bakar di Mekah, dia ditemui oleh pembesar-pembesar Quraisy yang kelihatan seperti dilanda kesusahan yang berat.

"Adakah tuan ketahui apa yang telah terjadi?" tanya mereka kepada Abu Bakar.

"Apakah peristiwa itu? Hamba tidak mengetahuinya," jawab Abu Bakar.

"Anak saudara Abu Talib yang yatim piatu itu telah mengaku dirinya menjadi Nabi. Kami harap tuan dapat menyelesaikan masalah ini. Kalaulah kami tidak mengenangkan tuan adalah sahabatnya, sudah tentu kami membunuhnya," kata salah seorang pembesar Quraisy berkenaan.

"Baiklah, hamba akan cuba selesaikan perkara ini," jawab Abu Bakar memberikan jaminan.

Setelah itu Abu Bakar pun pergi menemui Nabi Muhammad.

"Wahai Muhammad, tuan telah mencemarkan kedudukan keluarga tuan. Ajaran tuan itu amat menyimpang daripada ajaran nenek moyang kita," kata Abu Bakar.

"Saya adalah pesuruh Allah. Saya diutus kepadamu dan kepada seluruh umat manusia," kata Rasulullah dengan tegas.

"Apakah buktinya, wahai Muhammad?" tanya Abu Bakar.

"Buktinya ialah orang tua yang tuan temui di negeri Yaman tempoh hari," jawab Nabi Muhammad.

"Yang mana satu wahai Muhammad, kerana ramai juga orang tua yang aku temui di Yaman sana."

"Orang tua yang mengirinkan rangkap-rangkap syair kepada orang-orang Mekah," jelas Nabi Muhammad.

"Siapakah yang memberitahu tuan, wahai Muhammad?" tanya Abu Bakar kehairanan.

"Malaikat yang pernah menemui nabi-nabi sebelum saya yang memberitahu," jawab Nabi.

Sebaik mendengarkan kata-kata itu, Abu Bakar terus menerima ajaran Islam yang dibawa oleh Nabi Muhammad.

Setelah selesai urusannya dengan Nabi Muhammad, Abu Bakar pun pergi berjumpa dengan pembesar-pembesar Quraisy untuk menerangkan kepada mereka akan hal Nabi Muhammad yang telah dilantik menjadi pesuruh Allah. Beliau juga telah memberitahu bahawa tugas Nabi Muhammad SAW adalah untuk mengajarkan agama baru, iaitu agama Islam.

Abu Bakar juga menjelaskan kepada mereka bahawa seruan Nabi Muhammad adalah supaya seluruh manusia memeluk agama Islam kerana agama ini adalah agama yang paling sempurna.

**ADAP DALAM ISLAM****ADAB MAKAN**

1. **Membasuh tangan sebelum dan sesudah makan**, Hadis Rasulullah s.a.w. Yang maksud: Berkat makanan itu ialah dengan berwuduk sebelum dan sesudahnya.
2. **Membaca Bismillah Ketika makan dan membaca Alhamdulillah** setelah selesai makan.
3. **Jangan mecaci makanan** yang dihidangkan.
4. **Hendaklah makan dengan tangan kanan**, dan yang di hadapan.
5. **Jangan sekali-kali makan bertelaku** (ini menyebabkan bahaya kepada kesihatan dan menyebabkan lekas tua).
6. **Sunat bercakap ketika makan.**
7. **Jangan sekali-kali memulakan makan sehingga dimulakan oleh orang yang lebih tua.**
8. **Jangan mensia-siakan makanan** Hadis rasulullah s.a.w bermaksud:
“Adalah Rasulullah s.a.w setelah makan, selalu menjilat ketiga-tiga jarinya, seraya berkata: “ jangan terjatuh suapan seseorang kamu hendaklah dia mengutipnya dan di jauhkan daripada menyusahkannya serta hendaklah dimakannya, dan jangan ditinggalkannya untuk dimakan oleh syaitan.”

ADAB MINUM

1. **Sunat Membaca Bismillah dan Alhamdulillah** bila selesai serta minum tiga-tiga teguk.
2. Makruh meminum daripada mulut tempat simpan air seperti botol, kendi atau sebagainya. Sebaik-baiknya minum dalam gelas.
3. Makruh meniup atau bernafas dalam air.
4. Hendaklah minum ketika duduk.
5. Jangan minum dari bekas yang diperbuat daripada emas atau perak.
6. Jangan makan/minum ketika terlalu kenyang.

ADAB MEMINTA IZIN

1. **Hendaklah memberi salam** dahulu sebelum meminta izin masuk.
2. **Hedaklah menyatakan nama, sifat dan gelaran** (jika belum dikenali).
3. **Hendaklah meminta izin tiga kali.** Sabda Rasulullah s.a.w maksudnya : “ *Meminta izin itu tiga kali sahaja, jika diizinkan masuklah, jika tidak engkau kembali sahaja.*”
4. **Jangan megetuk pintu dengan kasar.**
5. **Hendaklah dia kembali**, jika tuan rumah menyuruhnya kembali.

RENUNGAN

**Sekuat mana pun godaan yang kita hadapi,
sekuat apa pun cubaan yang harus kita jalani,
sebesar apa pun kegagalan yang kita rasai,
sejauh mana pun hari-hari yang kita lalui,
JANGAN pernah berhenti berharap dari pertolongan Ilahi,
kerana harapan adalah masa hadapan,
kerana harapan adalah sumber kekuatan,
kerana doa adalah pintu kebaikan dan
kerana doa adalah senjata orang beriman.**



Biro Penerbitan

Penasihat

Pn.. Rohani Amat

Ketua Editor

En. Mohamed Amin Hj Ismail

Pen. Editor 1

Pn Noorhafizah Mohd Akil

Pen. Editor 11

En. Abdul Rahim Sulaiman

Setiausaha Penerbitan

Pn. Norhaliza Aini Bt Zainal Abidin

AJK penerbitan

En. Mohd Faisal Bin Mohd. Sukim

En. Mokhtar Ahmad



SOMBONG ITU BAIK UNTUK
PEREMPUAN TAK BAIK
UNTUK LELAKI

BERSAMA TIMBALAN PENERUSI 2

Nama: ROHANI AMAT

No staff: 2690

Jawatan di UIA: PENOLONG PENGARAH KANAN

Jawatan di Kelab: TIMBALAN PENERUSI II

Alamat : 110 MAHALLAH FATIMAH AZ-ZAHRA, PUSAT ASASI, UIAM

Berapa lama jadi ahli kelab: 10 TAHUN

Tarikh Lahir : 25HB MAY 1970

Tempat lahir : TANGKAK, JOHOR

Email : rayyan@iium.edu.my

Berapa cahaya mata: 3 orang

Harapan terhadap kelab:

Semoga KKK akan terus berkembang dan berjaya menyumbang pelbagai kebajikan terhadap ahli, keluarga ahli dan masyarakat seluruhnya.

Kenangan manis bersama kelab :

Setiap kali menghadiri Hari Keluarga KKK

Kenangan pahit bersama kelab:

Tiada.

Cadangan Kpada kelab:

Diharap Kelab dapat menganjurkan aktiviti yang dapat menjana pendapatan bagi membiayai program-program yang membawa kebaikan kepada ahli-ahlinya.



KISAH BERKAT DI SEBALIK MEMBACA BISMILLAH

Ada seorang perempuan tua yang taat beragama, tetapi suaminya seorang yang fasik dan tidak mahu mengerjakan kewajipan agama dan tidak mahu berbuat kebaikan. Perempuan itu sentiasa membaca Bismillah setiap kali hendak bercakap dan setiap kali dia hendak memulakan sesuatu sentiasa didahului dengan Bismillah. Suaminya tidak suka dengan sikap isterinya dan sentiasa memperolok-olokkan isterinya.

Suaminya berkata sambil mengejak, "Asyik Bismillah, Bismillah. Sekejap-sekejap Bismillah."

Isterinya tidak berkata apa-apa sebaliknya dia berdoa kepada Allah S.W.T. supaya memberikan hidayah kepada suaminya. Suatu hari suaminya berkata : "Suatu hari nanti akan aku buat kamu kecewa dengan bacaan-bacaanmu itu."

Untuk membuat sesuatu yang memeranjatkan isterinya, dia memberikan wang yang banyak kepada isterinya dengan berkata, "Simpan duit ini." Isterinya mengambil duit itu dan menyimpan di tempat yang selamat, di samping itu suaminya telah melihat tempat yang disimpan oleh isterinya. Kemudian dengan senyap-senyap suaminya itu mengambil duit tersebut dan mencampakkan beg duit ke dalam perigi di belakang rumahnya.

Setelah beberapa hari kemudian suaminya itu memanggil isterinya dan berkata, "Berikan padaku wang yang aku berikan kepada engkau dahulu untuk disimpan."

Kemudian isterinya pergi ke tempat dia menyimpan duit itu dan diikuti oleh suaminya dengan berhati-hati dia menghampiri tempat dia menyimpan duit itu dan membuka dengan membaca, "Bismillahirrahmanirrahiim." Ketika itu Allah S.W.T. menghantar malaikat Jibrail A.S. untuk mengembalikan beg duit dan menyerahkan duit itu kepada suaminya kembali.

Alangkah terperanjat suaminya, dia berasa bersalah dan mengaku segala perbuatannya kepada isterinya, ketika itu juga dia bertaubat dan mula mengerjakan perintah Allah, dan dia juga membaca Bismillah apabila dia hendak memulakan sesuatu kerja.